

ՏԵՂԵԿԱՏՈՒ NEWSLETTER



ԳԷՈՐԳ ԹԱՀԹԱԵԱՆ

ԿԻՐԱԿՆՈՐԵԱՅ ԱԶԳԱՅԻՆ ՎԱՐԺԱՐԱՆ

K TAHTA ARMENIAN COMMUNITY SUNDAY SCHOOL

Email: info@armenianschool.org.uk
armenianschool@hotmail.co.uk
Տեղեկատու N1, Ապրիլ, 2014

Website: www.armenianschool.org.uk

Յարգելի ծնողներ, բարեկամներ,

Գ Թահթաեան Կիրակնօրեայ Ազգային Վարժարանի կողմից բարի գալուստ եմ մաղթում:

Ձեզ ենք ներկայացնում այնքան սպասուած վարժարանի գարնանային տեղեկատուն: Ես ցանկանում եմ խորին շնորհակալութիւն յայտնել բոլոր այն ուսուցիչներին, ովքեր այնքան նուիրումածութեամբ աշխատել են այս տեղեկատուի ստեղծման համար:

Իւրաքանչիւր դպրոց ունի իր իւրայատուկ դէմքը, Գ Թահթաեան Կիրակնօրեայ Ազգային Վարժարանում ստեղծել ենք բարեկամական, միմեանց նկատմամբ հոգ տանող միջավայր, որը նպաստում է մեր երեխաների կրթութեանը և զարգացմանը: Վարժարանի որդեգրած կրթական ծրագիրը նպաստում է, որպէսզի մեր աշակերտները կարողանան հասնել իրենց կարողութիւնների առաւելագոյնին:

Մենք հպարտ ենք մեր Վաժարանի կրթական մակարդակով, իրենց գործին նուիրում մեր ուսուցչուհիներով, հոգաբարձուներով, կրթական յանձնախմբով, ծնողական յանձնախմբով, որոնց շնորհիւ մեր Վարժարանը և աշակերտները հասնում են յաջողութիւնների:

Օգտվելով այս հնարաւորութիւնից Վարժարանի բոլոր բարերարներին, համագործակիցներին, բարեկամներին, դպրոցի աշխատակազմին, ծնողներին և աշակերտներին մէկ անգամ ևս շնորհակալութիւն եմ յայտնում:

Վստահ եմ, որ յաճոյքով կը կարդաք:

Եթէ կունենաք որևէ հարց կամ առաջարկ այս շրջաբերականի բովանդակութեան վերաբերեալ, առանց վարանելու ուղարկէք էլ նամակ՝

E-mail: armenianschool@hotmail.co.uk

Ռ Թաթուլեան
Տնօրինուհի

Գ Թահթաեան Կիրակնօրեայ Ազգային վարժարանի հոգաբարձուութիւնը, տնօրէնը և ուսուցչական կազմը իրենց ողջոյնի խօսքն են ուղղում բոլոր ծնողներին, աշակերտներին և նրանց, ովքեր հետաքրքրուում են Վարժարանի կեանքով և առօրեայով:

Մեծ սիրով ձեզ ենք ներկայացնում տեղեկութիւններ Վարժարանի գործունէութեան, ծրագրերի, տեղի ունեցած իրադարձութիւնների և գալիք միջոցառումների մասին:

Երրորդ եռամսեակի միջոցառումների ցանկը.

Վերամուտ	Ապրիլ 27
Մարգական օր	Մայիս 11
Նկարչական մրցոյթ	Մայիս 18
Կիսամսեակի արձակուրդ	
Յունիսի 1	
Դաշտահանդէս	Յունիս 29
Տարեվերջի հանդէս	Յուլիս 13

Միրով տեղեկացնում ենք, որ դպրոցն ունի առաջարկների արկղիկ: Դուք կարող էք գրաւոր ներկայացնել ձեր առաջարկներն ու դիտողութիւնները, որոնք կօգնեն մեզ մեր հետագայ գործունէութեան ընթացքում:

Կրթական ձեռնարկներ

Սուրբ Վարդանանց տօնը նշեց փետրւարի 16-ին: Մեր աշակերտները ուսուցիչների օգնութեամբ պատրաստել էին գեղեցիկ ծրագիր, բարձր դասարանի աշակերտները շնորհաշատ դերասանուհի Ժ.Ներսիսեանի ղեկավարութեամբ փոխանցեցին օրւայ խորհուրդը:





Մարտի 30-ին նշեցինք մայրերի տօնը աշակերտների գեղեցիկ ելույթներով: Յատկապես տպառոյիչ էր 9-րդ դասարանի աշակերտուհի Սևանա Բաբաեանի ելույթը, նա կարդաց մօրը նվիրած իր ստեղծագործությունը :

Մարտի 30-ին և ապրիլի 7-ին տեղի ունեցան ավարտական դասարանի աշակերտների ավարտական քննությունները, որոնք պատրաստել էին Վարժարանի կրթական յանձնախումբը:



Ապրիլի 24-ին Հայոց Ցեղասպանության 99-րդ տարելիցի առթիւ Բրիտանահայ Համայնքային Խորհրդի Ցեղասպանության Ճանաչման Յանձնախմբի կազմակերպած յուշ երեկոյին մասնակցեցին մեր աշակերտներից Սևանա Բաբաեանը, Շահում Աւետյանը, Լևոն Մինասեանը, Սևան Ջոլոյեանը, Տիգրան Մինասեանը և դերասանուհի Ժ.Ներսիսեանը:

Ի նպաստ աշակերտների կրօնական և հոգևոր դաստիարակութեանը պարբերաբար Վարժարան է այցելում Սրբ Սարգիս Եկեղեցոյ հոգևոր հովիւ Ս. Շնորհք քինյ. Բաղդասարեանը: Առաւօտեան հաւաքական աղօթքից և ամփոփ քարոզից յետոյ Տէր Հայրը այցելում է տարբեր դասարաններ և աշակերտներին մատչելի լեզուով ուսուցանում է եկեղեցական գիտելիքներ, հոգևոր երգեր և աղօթքներ:

Ծնողական յանձնախմբի ձեռնարկներ

Ընթացիկ կիսամեակի կարևոր իրադարձություններից էր փետրուարի 1-ին տեղի ունեցած ընդհանուր գիտելիքների մրցութիւնը:

Մեծագոյն շնորհակալութիւն կազմակերպիչներին՝ ծնողական հանձնախմբին, հոգաբարձուներին եւ բոլոր մասնակիցներին, որոնց շնորհիւ այս տարուայ շահոյթը կազմեց աւելի քան £1000.00:

Ծնողական յանձնախմբը մարտի 30-ին՝ մայրերի օրուայ և ապրիլի 6-ին Սուրբ Զատիկի՝ Սուրբ Յարութեան տօնի առթիւ Վարժարանում կազմակերպուեցին ճոխ նախաճաշ և տօնավաճառ:



Մարզական յուրեր

Վարժարանում տեղի ունեցան շախմատի նախընտրական խաղերը , յաղթողները կը մրցեն մայիսի 11-ին՝ Վարժարանի մարզական օրուայ ընթացքում:



Լուրեր

Մեր երախտագիտութեան խօսքն ենք յղում Տէր և Տիկ Ռաֆֆի և Ալիս Դանիէլեանին՝ Վարժարանի աշակերտներին Հայ եկեղեցական եւ ազգային ծեսերի գրքոյկի անգլերէն տարբերակը նուիրելու համար:

Գ. Թահթեան Կիրակնօրեայ Ազգային վարժարանի ամբողջ կազմը՝ տնօրինութիւնը, հոգաբարձուները, խնամակալները, ուսուցչական կազմը և ծնողական յանձնախումբը խորը վշտով լսեցին պարոն Պարզև Քասարճեանի մահուան լուրը:
Պարոն Քասարճեանը մեր դպրոցում բոլորի կողմից շատ սիրուած էր, նա իր կեանքի ընթացքում բազմիցս այցելել է վարժարան և իր ներկայութեամբ քաջալերել վարժարանի աշխատանքները:
Անգնահատելի են Պարոն Քասարճեանի ազգանուէր գործունէութիւնը, նրա բարի գործերը թէ՛ հայրենիքում և թէ՛ Բրիտանահայ համայնքում, որտեղ նա յատուկ ուշադրութիւն էր դարձնում երիտասարդ սերնդի հայեցի դաստիարակութեանը:
Գ. Թահթեան Կիրակնօրեայ Ազգային վարժարանը միշտ բարձր է գնահատել պարոն Պարզև Քասարճեանի շարունակական օգնութիւնը դպրոցին, քանի որ այս երկրի պայմաններում առանց նման բարերարների, դպրոցի աշխատանքները անհնարին է պատկերացնել:
Վարժարանը բարձր գնահատելով նրա վերաբերմունքը դպրոցի հանդէպ և նպատակ ունենալով յաւերժացնել նրա բարի յիշատակը, դպրոցում սահմանել ենք Պարզև Քասարճեան մրցանակ:
Վարժարանում նախակրթարանից մինչև ւարժարանի դասարանը բաժանել ենք 3 խմբերի, որոնք գիտելիքների և մարզական ոլորտում մրցում են միմեանց հետ ամբողջ տարւայ ընթացքում: Տարեվեջին յաղթող ճանաչուած խումբը ստանում է Պարզև Քասարճեան մրցանակը:
Վարժարանի ամբողջ կազմի կողմից նորից խորին ցաւակցութիւններ ենք յայտնում պարոն Պարզև Քասարճեանի ընտանիքին:
